



UNIVERSITÄTS-
BIBLIOTHEK
PADERBORN

Institutiones Canonicæ

Schnorrenberg, Anno

Coloniae, 1740

Titulus V. De Postulatione Prælatorum.

[urn:nbn:de:hbz:466:1-62040](#)

§. Septimus. De iis, quæ fūnt post Electionem.

59

Cap. cupientes. 16. de elect. in 6. exactè est observanda.

Quæres nono. Quænam obligatio confirmantis? *qz. 1mo.* Antequam Superior confirmet, debet imprimis vocare volentes contradicere, aut nominatim, si aliquis coelectus, aut contradicens, vel generaliter per edictum ad valvas Ecclesiæ affigendum, in quo omnes perelevatoriè citantur, qui electioni contradicere nituntur. Hoc omissio nulla est confirmationis. *Cap. fin. de elect. in 6.* Deinde in Electi qualitates, morum honestatem, ætatem, scientiam &c, inquirere deberet. *Trid. Sess. 22. de reformat. cap. 2.* & *Sess. 24. de reform. cap. 1.* Demùn formam & processum electionis per Decretum authenticè ab Electo vel Electoribus exhibitum examinare tenetur. *2do.* Confirmans indignum v. g. insufficientis scientiæ, vel in honestæ vitæ, vel ætatis illegitimæ non solum confirmandi primum Successorem caret potestate, verùm etiam à perceptione proprii beneficii suspenditur. *cap. nihil est. 44. de elect.* Potrò confirmatio plenam administrationem tam in temporalibus, quam in spiritualibus, & omnium illorum, quæ ad jurisdictionem pertinent, tribuit executionem. *cap. transmissam. 15. de elect.* Nec post confirmationem renuntiatio Prælature fieri potest, quam cum consensu, & in manus confirmantis.

Quæres decimo. Quænam obligatio suscipiendi consecrationem? *qz.* Adeptâ confirmatione consecratio petenda est, quæ ultra tres menses à die confirmationis, cessante legitimo impedimento, differri non debet, & jure novo *Trid.*

Sess. 23. cap. 2. “Si Episcopus munus consecrationis intra tres menses non suscepit, ad fructuum perceptorum restitutionem tenetur: si intra totidem menses postea id facere neglexerit, Ecclesiæ ipso jure est privatus.”

Quæres undecimo. Ad quem spectat consecratio? *qz.* Ad illum consecrare vel consecrationem demandare pertinet, ad quem confirmare spectat. Episcopus autem à tribus Episcopis consecrari debet. *Can. Comprovinciales. 4. dist. 6. 4. can. porro. 2. dist. 66. cap. si Archiepiscopus. 6. de tempor. ordinat.* Tùm propter rationem, tùm propter exemplum: Ex ratione, ne tantum beneficium videatur furtivè præstum, & pro eo pariter preces ad Deum effundant: Ab exemplo, quia etiam Jacobus Frater Domini à tribus Apostolis, S. Petro, S. Jacobo & S. Joanne est ordinatus, ut refertur in cit. can. porro. Ex dispensatione tamen Ecclesiæ Episcopus ab uno Episcopo consecrari potest: ita ex indulto S. Pii V. pro duobus Episcopis duo Abbates vel alii in dignitate constituti Presbyteri sufficiunt, quod hodie passim in usu esse videtur.

Quæres duodecimo. Quis effectus consecrationis? *qz.* Per consecrationem Episcopus plenitudinem officii pastoralis consequitur, ut omnia, quæ sunt Jurisdictionis & Ordinis, exercere valeat. *cit. cap. transmissam. 15. de electione.* Post consecrationem Episcopi aut termino consecrationis elapo, omnia beneficia Ecclesiastica, si quæ habet, ipso jure vacant, ita ut liberè ab eo, ad quem collatio spectat, conferri possint. *cap. cum in cunctis. 7. de elect.* Si modò non habuerit

H 2

pos-



non admittitur, sed ex obligatione iuris confirmatur. *4to.* Electus in electionem de sua persona factam absolute consentire potest, cum per illam jus sit acquisitum, non tamen postulatus, ne videatur ambitiosus. *5to.* Demum Eligentes publicato scrutinio variare, aut ab Electo suis votis recedere nequeunt. *cap. publicato. 58. de electione.* At postulantes publicata & Superiori nondum præsentata postulatione ab eadem recedere possunt; secus si postulatio Superiori præsentata; ne Superiori illudatur, & ejus judicium ex postulantium arbitrio pendere videatur. *cap. bona. 4. de postulat.*

Quæres tertio. Quinam postulare possunt? *Res.* Omnes qui eligere possunt. *Cap. 1. cit. cap. bona. 4. de postulat. cap. innotuit. 20. de electione.* Ratio est: quia postulatio in electionis subsidium, & jus postulandi juri eligendi accessorium est. Ex quo sequitur *1mo.* Extraneus, qui à Capitulo admittitur ad eligendum, etiam admittitur ad postulandum; Procurator datus ad eligendum, etiam datur ad postulandum. *2do.* In quem compromittitur ad eligendum, in eum etiam compromittitur ad postulandum, nisi aliud exprimatur. *Cap. in causis. 30. de electione. junct. gloss. verb. postulatio.* Demum qui præscripsit jus eligendi, etiam acquisivit jus postulandi.

Quæres quartu. Quinam postulari possunt? *Res.* Ut quis postulabilis sit, requiruntur duo: *1mo*, ut Canonicum, propter quod eligi nequit, habeat impedimentum, ut si eligibilis postuletur, vel postulatus, et si postulabilis, eligatur, postulatio & electio sunt nulla. *Juxta cap.*

unic. de postulat. in 6. Tunc enim valet illud vulgatum: Quod potuit, noluit, & quod voluit, non potuit. *2do.* Tale debet esse impedimentum, in quo Superior dispensare valet & solet, ut defectus ætatis, Ordinis, natalium. Impedimentum, in quo dispensare non solet, habent criminosus, excommunicatus, non servans interdictum. *Cap. 1. de postulat.* illiteratus, bigamus, ad Episcopatum qui minor est 27. annis, ad Ecclesiam inferiorem Cathedrali Religiosus ex Ordine Mendicantium, item ad monasteria extra suos Ordines. *Extrav. unic. de postulat. inter com.* In supplicatione autem postulantium omnes defectus postulati sunt exprimendi.

Quæres quinto. An Episcopus adalium Episcopatum eligi vel postulari possit? *Res.* *1mo.* Nullus Episcopus confirmatus, sive sit consecratus, sive non, ad alium Episcopatum eligi potest, bene tamen postulari. *Cap. fin. de postulat.* Ratio est: quia Episcopus velut sponsus sponsæ suæ Ecclesiæ alligatus est. *Cap. inter corporalia.* *2. cap. fin. de translat. Episcopi.* quod spiritualis matrimonii vinculum solu Papa dissolvere potest. *2do.* Episcopus electus ante confirmationem sicut electioni renuntiare, ita etiam ad aliam Ecclesiam eligi potest. *Arg. cap. si electio de elect. in 6.* ut etiam Episcopus, qui Episcopatu renuntiavit, si renuntiatio a summo Pontifice acceptata: quod ad Episcopos titulares minimè extendendum, qui & ipsi verè matrimonium spirituale cum Ecclesia, ad quam ordinati, habent; hæc enim licet in manibus sit Infideliū, est tamen vera Ecclesia



Cathedralis. Clement. in plerisque. 5. de electione. ideoque & tales Episcopi veri & Ordine & dignitate sunt Episcopi: quod agnovit Trid. Sess. 14. de reform. cap. 2. 3to. Cardinales non Episcopi: quamvis hodie Episcopis dignitate sint majores. Arg. Extrav. si fratrum. ne Sede vacante. tamen eligi possunt; nulli enim Ecclesiæ matrimonialiter sunt copulati, quamvis minus solemniter postulari debeant, hoc est: à summo Pontifice licentia petenda, ut ex Curia Romana ad Ecclesiam transeant Cathedralem. Cap. bona. 3. de postulat.

Quæres sexto. Quæ indignos postulantum pœna? R. Qui laborantem viatio indispensabili, v. g. illum, cuius postulatio jam semel rejecta, postulaverint, pro illa vice potestate eligendi vel postulandi ipso facto sunt privati. Cap. 1. & 2. de postulat. cap. scriptum. 40. §. si vero. de elect. Extrav. unic. cod. inter com. Insuper qui minorem 27. annis ad Cathedralem, aut Religiosum Mendicantem ad Ecclesiam inferiorem Cathedrali postulaverint, à beneficiis, quæ in Ecclesia illa obtinent, per triennium sunt suspensi. Cit. Extrav. unic.

Quæres septimo. Quæ forma in postulatione observanda: R. Quamvis tutius sit, ut in postulatione à forma in cap. quia propter, de electione, præscripta non recessatur, cum electio & postulatio tanquam duo ad eundem finem tendentia in jure æquarentur, nec ullam specialem pro postulatione formam habeamus: attamen haud dubium est, quin Papa postulationem non servatà formâ Capituli, quia propter, celebratam ex potestatis

plenitudine admittere valeat, quantumvis sic factam non admittendi habeat consuetudinem.

Quæres octavo. Quæ formæ postulationis in jure specialiter prohibentur: R. Sequentes: Eligo postulando, & postulo eligendo. Eligo postulandum, & postulo eligendum. Eligo & postulo, prout potest melius de jure valere. Cap. un. de postulat. in 6. Ratio est: quia tales formulæ continent incertitudinem, vel contrarietatem, & rem imperfectam significant. Quod si probabiliter dubitetur, an persona eligenda vel postulanda sit, similibus formis eligentes uti possunt, dummodò taliter electus vel postulatus, quando consentit, unam viam vel electionis vel postulationis necessariò eligere teneatur, redeundi ad aliam viam, postquam unam elegerit, sibi licentiā penitus interdictâ. cap. unic. cit.

Quæres nono. Quo tempore à postulantibus praesentanda est postulato postulatio? R. Postulantes quamprimum postulato postulationem praesentare tenentur, & intra tempus debitum non praesentantes puniuntur, sicut eligentes. cap. quam fit Ecclesias. 6. cap. cupientes. 16. de elect. in 6.

Quæres decimo. Intra quod tempus à postulato praestandus consensus postulationi? R. Postulatus post factam postulationis presentationem intra mensuram suam explicare, & consentire, vel saltem exprimere tenetur, quod non consentiat, sed se se dispositioni Superioris vel ad - vel non admittentis submittat. cit. cap. quam fit. de elect. in 6.

Quæres undecimo. Quando Superior postulationem admittere tenetur? R. Si postu-



postulatio concorditer celebrata , ejusque admissionem necessitas , vel magna Ecclesiæ exigat utilitas , Superior postulationem absque injuria postulantium , vel Ecclesiæ , pro qua postulatio facta , rejicere nequit : & si Prælatus Papâ inferior habens postulandi & postulationem admittendi potestatem talem postulationem rejecerit , officium Judicis superioris , ut inferiorem ad postulationem admittendam compellat , potest implorari .

Quæres duodecimo . Si postulatio cum electione concurrat , quænam præfenda ? q. 1mo . Ut electioni tunc præfatur postulatio , numerus postulantum numero eligentium duplo major esse debet : ideoque duas tertias , aut duas Capituli partes in postulationem consensisse

debent , eò quod electio ordinaria , & postulatio via sit extraordinaria in subsidium electionis à jure introducta . cap . scriptum . 4o . de elect . 2d . Si major Capituli pars in postulationem , & minor in electionem consenserit , & utraque pars Superiori electionem taliter factam præsentarit , vel postulationem , vel electionem , dummodò à 3ta parte Capituli facta sit , confirmare in Superioris est arbitrio . Ratio est : in tali enim casu nec postulantes jus habent , ut postulatio à duabus partibus facta admittatur , nec eligentes , nec electo jus competit ad confirmationem , cùm electio à majori parte Capituli facta non sit . Et hic . cap . scriptum . verior est intellectus .

T I T U L U S S E X T U S .

D E

TRANSLATIONE EPISCOPI .

Translatio definitur : Personæ Ecclesiasticae de una Ecclesia ad aliam authoritate Superioris ex legitima causa facta transpositio . *Causa efficiens remota* est jus translationem permittens vel approbans . *Proxima Superior Ecclesiasticus* , per quem fit translatio . *Objectum persona* , quæ transfertur . *Forma* in tribus consistit : consensu Superioris vel licentiâ , causâ legitimâ , & ut de minore ad majorem Ecclesiam fiat . *Effectus est* , quod per translationem ma-

trimonium spirituale cum priore Ecclesia dissolvatur , & novum cum posteriore contrahatur , priorque vacare incipiat .

Quæres 1mo . Cujus authoritate fit translatio ? q. "Dubitari non debet , " quin Omnipotens D E U S spirituale " conjugium , quod est inter Episcopum " & Ecclesiam , suo tantum judicio re- " servaverit dissolvendum , qui dissolu- " tionem etiam carnalis conjugii , quod " est inter virum & fœminam , suo tan- " tum judicio reservavit : präcipiens , ut " quod